

OHR izrazava svoje zadovoljstvo povodom potpisivanja Sporazuma kojima se osigurava trajanje mandata Ombudsmena za Bosnu i Hercegovinu, Doma za ljudska prava i Komisije za imovinske zahtjeve izbjeglica i raseljenih lica do kraja 2003. godine

Ured Visokog predstavnika je danas izrazio svoje zadovoljstvo povodom sklapanja dva Sporazuma, koja su 10. novembra 2000. godine potpisali Vijeće ministara i Vlade Federacije i Republike Srpske, a na osnovu kojih se osigurava cvrsta pravna osnova za institucije Ombudsmena za Bosnu i Hercegovinu, Doma za ljudska prava i Komisije za imovinske zahtjeve raseljenih lica i izbjeglica (CRPC).

Ovim Sporazumima, koji su zasnovani na Aneksu 6 i Aneksu 7 Dejtonskog mirovnog sporazuma, se osigurava da ove vazne institucije mogu nastaviti sa radom do kraja 2003. godine, te se regulira njihov nacin rada do kraja ovog perioda. Ovi Sporazumi su u skladu sa Briselskom deklaracijom koju je Vijeće za implementaciju mira usvojilo u maju 2000. godine.

Skoro jedna polovina od ukupnog broja neobavezujucih preporuka, koje je izdao Ombudsmen za Bosnu i Hercegovinu,

odnosila se na odluke entitetskih i drzavnih organa vlasti, ukljucujuci i mjere iz 1997. godine koje su poduzete na ponistavanju Zakona kojim se cirilicno pismo pokusalo nametnuti kao jedino zakonito pismo kojim bi se trebali sluziti mediji u Republici Srpskoj, te mjere iz 1998. godine na ukidanju Zakona, usvojenog u Federaciji BiH, koji je omogucavao privatizaciju stanova i to prije povratka njihovih prijeratnih korisnika.

Dom za ljudska prava je od 1996. godine pa do danas izdao 700 zakonski obavezujucih odluka, a Komisija za imovinske zahtjeve izbjeglica i raseljenih lica je donijela 127.000 odluka u vezi sa povratom imovine u 283.000 sluajeva.

Medjutim OHR zeli da drzavni i entitetski organi vlasti posvete vecu paznju preporukama Ombudsmena za Bosnu i Hercegovinu i da odmah i u potpunosti provedu odluke Doma za ljudska prava i CRPC-a. OHR ce pratiti napredak koji ce novi organi vlasti postici u implementaciji ovih preporuka i odluka.